

GLOBALASHUV SHAROITIDA YANGI O'ZBEKISTONNI BUNYOD ETISHDA DEMOKRATIK ISLOHOTLARNING SIYOSIY MODERNIZATSİYALASHUVI



E. E. Kurbanov

Guliston davlat pedagogika instituti “Tarix va san’atshunoslik” kafedrasi mudiri, siyosiy fanlar bo‘yicha falsafa doktori (PhD), dotsent v.b.

Annotatsiya: Maqolada XX asr globalashuv jarayoni jadallahushi natijasida demokratianing yangi modellari namoyon bo‘lishi va an’anaviy demokratiya asoslari orqali siyosiy modernizatsiyani amalga oshirishni imkon yo‘qligi haqidagi ilmiy fikrlar yuritilgan. Bundan tashqari yurtimizda demokratik jarayonlarning demokratlashushi natijasida jamiyat islohotlarga bo‘lgan “ishonch”i ortgaligi, fuqarolarda siyosiy iroda va fuqarolik salohiyati shakllanishi chinakam Yangi O‘zbekistonni bnyod etishning ijtimoiy-siyosiy natijasi ekanligi asoslab berilgan.

Kalit so‘zlar: globalashuv, yangi zamon, koolloboral, zamonaviy demokratiya, inson qadri, ulug‘ millatchilik, Yangi O‘zbekiston g‘oyasi.

Globalashuv jarayonlari zamon shiddatini tezlashtirdi. Yangi dunyo tartiboti shakllanib ulgurmagan va ushbu shakllanish davrining davom etish muddati hozircha noaniq bo‘lib turgan davrga qadam qo‘ydik. Yangi zamon deb atalayotgan davr mohiyatan dunyo xalqlarini ko‘pgina muammolardan xalos qila olmadi, balki murakkab ziddiyatlar va chigal vaziyatlar ko‘payib bormoqda. “Bugun xalqaro siyosiy vaziyatga baho berishda salbiy, dramatik qarashlar ustuvorlik qilmoqda. Ularga ko‘ra, ba’zan hozirgi dunyoning nihoyatda qo‘rinchli ko‘rinishlari tasvirlanmoqda. Jumladan, bular dunyoning yangi davrga qadam qo‘yayotganligi va bu davrda hujumkor millatchilikning yetakchilik qilishi, xalqaro maydonda formal va noformal qoidalarga rioxal qilishdan voz kechilishi, noaniqlikning kuchayishi, umumi tarzda xalqaro munosabatlarda o‘yin qoidalaridan voz kechilishi¹” mavjud munosabatlarni yangitdan qurishga va amalda bo‘lgan demokratik tartibotlarni qaytadan ko‘rib chiqishga undamoqda. XX asr oxiri va XXI asr chorrahasida dunyoda ro‘y bergen jiddiy o‘zgarishlar dunyo bo‘ylab globalashuv jarayonlari intensivligining nihoyatda ortib borishi, xalqaro munosabatlar tizimida mavjud bo‘lib turgan murakkabliklar demokratiya va demokratlashuv borasidagi yondashuvlar va qarashlarning jiddiy o‘zgarib ketishiga sabab bo‘lmoqda. Bugungi kunga kelib yangi zamonaviy demokratiya asoslarini eskirgan, mavjud an’anaviy usullar bilan barpo qilish imkoniyatlari tugab bo‘lganligi demokratiya nazariyasi va amaliyoti bilan shug‘ullanuvchi jahonning nufuzli olimlari, siyosatchilari tomonidan alohida e’tirof qilinmoqda. Mamlakatlarning demokratiyaga yalpi o‘tishini bashorat qilgan “tranzitologiya” nazariyasi g‘oyalari o‘z salohiyatini tugatganligi, shu bilan birga, ushbu yondaşhuv bo‘yicha ilgari surilgan g‘oyalari ko‘p hollarda o‘zini oqlamaganligi bugungi kunda hech kimga sir emas.

Bugungi zamonning talablari va ehtiyojlaridan kelib chiqib, jamiyat hayotida yangicha samarali demokratianing kontseptual asoslarini yanada takomillashtirish, odamlarning yashashi uchun barqaror taraqqiyoti, uning manfaatlarining ustuvorligini kafolatlaydigan demokratianing samarali va natijador modeli tamoyillarini shakllantirish, bunda demokratiya suverenitetini ishonchli ravishda saqlanib turishiga erishish, demokratianing zamonaviy institutlarini shakllantirish va imkoniyatlarini kengaytirish kabi masalalar olimlarning diqqat markazida turibdi.

Ta’kidlash joizki, hozirgi davrning dolzarb talablariga mos keluvchi demokratianing g‘oyalari va uni institutsional asoslarining nazariy talqinlarini ishlab chiqish yetakchi vazifa sifatida namoyon bo‘lmoqda. Keng qamrovli demokratik yangilanishlarni amalga oshirish va jadal

¹ Барановский В. Новый миропорядок: Преодоления строго или его трансформация // Мировая экономика и международные отношения. 2019. №5. – С.7.

islohotlar ko'lamenti innovatsion siyosat asosida yuksaltirish orqali Yangi O'zbekistonni barpo qilish jarayonlari izchil amalga oshirilayotgan mamlakatimizda eng zamonaviy va samarali demokratiya asoslarini rivojlantirishga katta ahamiyat berilmoqda.

Respublikamizda demokratiya g'oyasini, qadriyatlarni hamda demokratik munosabatlarni chuqur konsolidatsiyalashuvi qaror topishi bilan bog'liq jarayonlarni keng ko'lami ravishda tadqiq qilish, undagi yetakchi tendentsiyalar, qonuniyatlarni ilmiy talqinlarini ko'rsatib berish, dastlab Harakatlar strategiyasi zaminida, keyinchalik Yangi O'zbekiston – taraqqiyot strategiyasi dasturi doirasida amalga oshirilgan keng ko'lami siyosiy islohotlar doirasida izchil demokratik taraqqiyot jarayonlarining kontseptual asoslarini tahlil qilish, ayni paytda jahon miqyosida demokratiya g'oyasi va imkoniyatlarini rivojlantirish bo'yicha ilgari surilayotgan nazariy xulosalar va g'oyalar dinamikasini qiyosiy tahlil qilish asosida ulardag'i ratsional jihatlarni aniqlash ham nihoyatda dolzarb ahamiyat kasb etmoqda.

O'zbekistonda demokratik taraqqiyotning milliy tiklanishdan – milliy yuksalish jarayoniga o'tilishi boshlangani zamonaviy davlat siyosati asoslarini yanada takomillashtirish va amalga oshirishi uchun tarixiy ahamiyatga ega bo'ldi.

2017-2021 yillarda O'zbekistonni rivojlantirishning beshta ustuvor yo'nalishi bo'yicha harakatlar strategiyasi doirasida o'tgan davrda davlat va jamiyat hayotining barcha sohalarini tubdan isloh qilishga qaratilgan 300 ga yaqin qonun, 4 mingdan ziyod O'zbekiston Respublikasi Prezidenti qarorlari qabul¹ qilingani buning yorqin tasdig'idir.

Mamlakatimizning yangi demokratik qiyofasi shakllanishiga davlatimiz rahbari tashabbusi bilan amalga oshirilgan bir qator tizimi o'zgarishlar xizmat qildi. Bular qatorida quyidagilarni alohida qayd etish mumkin:

- inson huquqlarini ta'minlash borasidagi ijobjiy ishlari;
- davlat hokimiyyati organlarining jamoatchilik oldida hisobdorligini kuchaytirilishi va faoliyati ochiqligi ta'minlanishi;
- ommaviy axborot vositalarining ijtimoiy-siyosiy mavzularda faolligi oshganligi hamda aholi va davlat organlari o'rtasidagi muloqotda fuqarolik jamiyatni institutlarining roli ortib borishi va hokazolar.

Endilikda, jamiyatimizda demokratik taraqqiyot rivojlanishi uchun eng maqbul qoidalarni o'z ichiga olgan "Yangi O'zbekiston" davlat siyosati kontseptsiyasini ishlab chiqishga ehtiyoj vujudga keldi.

Davlatimiz rahbari ilgari surgan Yangi O'zbekistonni bunyod etish g'oyasi xalqimizning orzu-intilishlarini birlashtiribgina qolmay, balki taraqqiyot strategiyasi va inson qadrini oshirish yo'lida qilinayotgan barcha rejalarining kontseptual tagzaminini tashkil etmoqda.

Shu o'rinda ta'kidlash joizki, inson qadri – fuqarolarning ijtimoiy himoyasini kuchaytirish va kambag'allikni qisqartirish davlat siyosatining ustuvor yo'nalishi sifatida belgilanishida, aholini yangi ish o'rnlari va kafolatli daromad, malakali tibbiy davolanish va ta'lim xizmatlari, munosib yashash sharoitlari bilan ta'minlashida yangi bosqichga ko'tarilishi demakdir.

Professor M.Bekmurodov fikricha, jamiyatda moddiy farovonlik va ma'naviy-axloqiy tamoyillar ustuvorligi ta'minlangan holdagina odamlarning o'zaro totuvligi hamda mehr-oqibat muhitini mustahkamlash imkoniyati yuzaga keladi. Qashshoqlik, axloqsizlik hukmron bo'lgan jamoa va jamiyatlarda totuvlikka o'rin bo'lmaydi². Bundan kelib chiqadiki, Yangi O'zbekiston g'oyasi, bir tomonidan, ijtimoiy ko'makka muhtoj qatlamning hajmini qisqartirish, ikkinchi tomonidan, ma'naviy-axloqiy va intellektual salohiyatga, avvalo umuminsoniy qadriyatlarga asoslanadi. Shu jihatdan, ushbu g'oya o'zida mamlakatimizda odamlarni rozi qilish, milliy totuvlikni mustahkamlash, inson qadr-qimmatini yuksaltirish orqali barqaror taraqqiyotni kafolatli ta'minlanishiga doir amaliy harakatlar strategiyasini mujassam etadi.

¹ 2022 – 2026 йилларга мўлжалланган Янги Ўзбекистоннинг тараққиёт стратегияси тўғрисидаги Ўзбекистон Республикаси Президентининг фармони / https://fergana.uz/uploads/01/-60_28.01.2022.pdf

² Бекмуродов М. Инсон қадрини англатиш фани ёхуд жадал тараққиёт барометри ҳақида // "Янги Ўзбекистон" газетасининг 2022 йил, 10 марта сони

Davlatimiz rahbari Sh.M.Mirziyoyevning 2021-yil 16-avgust kuni “Yangi O’zbekiston” gazetasi bosh muharririning savollariga javob berar ekan, mamlakatimizning erkin demokratik davlat va iqtisodiy farovon jamiyat barpo etish bo‘yicha tanlagan islohotlar yo‘li o‘zgarmasligini yana bir bor tasdiqladi¹. Mazkur intervyuda ilgari nafaqat ilmiy jamoatchilik vakillari va ekspertlar, balki davlat rahbarining o‘zi tomonidan aytilmagan bir qator fikrlar alohida tilga olingan. Prezidentimiz tomonidan mustaqillikning 30 yili davomida erishilgan fundamental natijalar tahlili asosida yangi “Yangi O’zbekiston” kontseptsiyasiga aniq ta’rif berilgani yurtimizda yangi siyosiy davr boshlanganidan darak berdi. Jumladan, yurtboshimiz o‘z intervyusida mustaqillikning 30 yilda erishilgan uchta asosiy natijani alohida ajratib ko‘rsatdi. **Birinchidan**, bu 1991-yil 31-avgustda qo‘lga kiritilgan davlat mustaqilligidir. **Ikkinchidan**, “Tom ma’nodagi konstitutsiyaviy davlat barpo etildi”. **Uchinchidan**, qadimiylar tarix, boy madaniy meros, milliy o‘zlik va ma’naviy qadriyatlar tiklandi.

Yuqorida zikr etilgan jihatlar O’zbekistonning kelajak istiqbolini belgilab beradigan uchta asosiy fundamental natijalar bo‘lib, “Yangi O’zbekiston”ni barpo etish kontseptsiyasi aynan shu uchta asosiy yutuqdan kelib chiqadi, degan xulosa qilish mumkin.

Bizningcha, “Yangi O’zbekiston” kontseptsiyasi yagona maqsad – xalq farovonligi va zamonaviy rivojlangan davlatlar darajasiga yetish yo‘lida xalq va hukumatning birlashtiruvchi g‘oyasiga aylanishi mumkin bo‘lgan ezgu milliy g‘oyadir. Rivojlangan mamlakatlar tajribasi shuni ko‘rsatadiki, demokratik islohotlarning hayotbaxshligi va natijadorligi, avvalo qonun chiqaruvchi hokimiyat institutlarining bu jarayondagi faol ishtiroki bilan belgilanmoqda. Jumladan, ijro mexanizmlariga ega demokratik qonunlarni qabul qilish, ularning ijrosida, parlament vakolatiga kiruvchi boshqa sohalarda hukumat va mansabdor shaxslar faoliyatini samarali nazorat qilish hamda hisobotini tinglash kabi funktsiyalarni bajarishi normal demokratik qoidalarga kiradi.

Mamlakatimizda amalga oshirilayotgan islohotlar zamirida nafaqat yuksak iqtisodiy natijalarga, balki aholi qatlamlarini bir-biriga yaqinlashtirish, farovon turmush darajasiga erishish ham mujassam, desak mubolag‘a bo‘lmaydi.

Professor M.Bekmurodovning ta’kidlashicha, “odamlarni o‘zaro birlashuvi, avvalambor ularni birlashtirish davlatimizning o‘ziga xos boshqaruva uslubi va ustuvor siyosatiga aylandi. Endi esa mamlakatimizda ijtimoiy holat tubdan o‘zgardi. Prezidentimizning o‘zi “birlashish – bog‘lanish – yuksalish” formulasini mamlakatimizni jadal taraqqiy ettirish strategiyasining asosiy tamoyili sifatida hayotga joriy etmoqda”.² Darhaqiqat, 2017-yildan boshlangan milliy taraqqiyotning yangi davri davlat va jamiyat o‘rtasidagi aloqalarning ijtimoiy tabiatini o‘zgaptirib yubordi. Yangi O’zbekiston mamlakatimizda inson qadrini ulug‘lash g‘oyasi jamiyat manfaatlarida umumlashadigan va davlat siyosatini belgilab beradigan demokratik davlatchilikning muhim davrini o‘zida aks ettirmoqda.

Yangi O’zbekiston kontseptsiyasi yillar davomida avvalgi ma’muriyat tomonidan amalda bo‘lgan “davlat – jamiyat – shaxs” tamoyili o‘rnida “inson – jamiyat – davlat” tamoyili ustuvor ahamiyat kasb etib bormoqda.

Shu jihatdan olib qaraganda, Yangi O’zbekistonni barpo etish–milliy taraqqiyot yo‘limizning yangi bosqichi debochasi. Ushbu demokratik jarayon, qanchalik murakkab bo‘lmasin, O’zbekiston jamiyatining tinch, erkin hayot va farovon jamiyat barpo etish borasidagi intilishlarini amalga oshirishga qaratilgan.

Adabiyotlar ro‘yxati:

¹ “Янги Ўзбекистон демократик ўзгаришлар, кенг имкониятлар ва амалий ишлар мамлакатига айланмоқда” Ўзбекистон Республикаси Президенти Шавкат Мирзиеевнинг “Янги Ўзбекистон” газетаси бош мухаррири Салим Дониёровнинг саволларига жавоблари. 16.08.2021. <https://yuz.uz/news/yangiozbekiston-demokratik-ozgarishlar-keng-imkoniyatlar-va-amaliy-ishlar-mamlakatiga-aylanmoqda>

² Мансур Бекмуродов. Инсон қадрини англатиш фани ёхуд жадал тараққиёт барометри ҳақида // “Янги Ўзбекистон” газетасининг 2022 йил, 10 марта сони №50

³ Сайдов А. Янги Ўзбекистон Тараққиёт стратегияси — инсон қадрини улуғлаган Халқчил бош дастур. 28.01.2022. <https://yuz.uz/news/yangi-ozbekiston-taraqqiyot-strategiyasi--inson-qadrini-uluglagan-xalqchil-bosh-dastur>

1. “Yangi O‘zbekiston demokratik o‘zgarishlar, keng imkoniyatlar va amaliy ishlar mamlakatiga aylanmoqda” O‘zbekiston Respublikasi Prezidenti Shavkat Miromonovich Mirziyoyevning “Yangi O‘zbekiston” gazetasi bosh muharriri Salim Doniyorovning savollariga javoblari. 16.08.2021. <https://yuz.uz/news/yangiozbekiston-demokratik-ozgarishlar-keng-imkoniyatlar-va-amaliy-ishlar-mamlakatiga-aylanmoqda>
2. 2022 – 2026 yillapga mo‘ljallangan Yangi O‘zbekistonning taraqqiyot strategiyasi to‘g‘risidagi O‘zbekiston Respublikasi Prezidentining farmoni / https://fergana.uz/uploads/01-60_28.01.2022.pdf
3. Барановский В. Новый миропорядок: Преодоления строго или его трансформация // Мировая экономика и международные отношения. 2019. №5.
4. Bekmurodov M. Inson qadrini anglatish fani yoxud jadal taraqqiyot barometri haqida // “Yangi O‘zbekiston” gazetasining 2022 yil, 10 mart soni
5. Saidov A. Yangi O‘zbekiston Taraqqiyot strategiyasi — inson qadrini ulug‘lagan Xalqchil bosh dastur. 28.01.2022. <https://yuz.uz/news/yangi-ozbekiston-taraqqiyot-strategiyasi--inson-qadrini-uluglagan-xalqchil-bosh-dastur>